



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 67. Historia Sabbathæi Sevi falsi Messiaë.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

promovente Electore Brandenburgico & Sæc. XVII.
 Barone de Goes Cæsareo Oratore. Auxit A. C. 1666.
 tamen Catholicorum lætitiâ Elisabetha
 Dorothea Holsatiæ Schlesvicii Ducissa,
 quæ hoc anno die quinta Augusti Vien-
 næ ad Romanæ Ecclesiæ gremium re-
 versa est.

§. LXVII.

Historia Sabathai Sevi falsi Messiae.

Currens hujus sæculi annus millesi-
 mus sexcentismus sexagesimus *Joan. de*
 sextus vel ideo memoratu dignissimus *Lent de*
 est, quod Protestantes putidæ fabulæ, *Pseudo-*
 ridiculi mendacii, & vanæ ac fanaticæ *Mess. c. 5.*
 superstitionis convicti, prudentum lu- *pag. 77.*
 dibrio, & despectui hoc anno sese *La Croix*
 exposuerint, & Judæorum pertinacia de *mem. part. 2.*
 futuro Messiae adventu detecta illusione
 confutata fuerit; cum enim in Apo-
 calypsi cap. 13. v. 18. hæc verba lege-
 rentur: *numeri ejus sexcenti sexaginta sex,*
 fanaticorum non pauci annum Christi
 millesimum sexcentissimum sexagesi-
 mum sextum miris revolutionibus,
 prodigiis, arcanisque eventibus celebrem
 fore prælagiebant, & quidem Prote-
 stantes, cum in præfata Apocalypsi de
 adventu Antichristi sermonem fieri cer-
 nerent, & huic Antichristum non a-
 lium, quam summum Pontificem esse
 N 4 passim

Sæc. XVII. passim calumniarentur, plenis buccis
 A. C. 1666. ovantes spargebant, hoc anno Regnum
 Pontificis, atque Ecclesiæ Romane
 certo destructum iri, ac puram Evangelii
 doctrinam, populumque Dei Israel in-
 tegræ libertati donandum esse; cum
 autem in hanc usque diem summum
 Pontificem, Romanamque Ecclesiam
 portis inferni prævalere, ac pristino
 decore florescere, fateri cogantur, ob
 interpretationis suæ falsitatem, proter-
 vasque calumnias confusione ac pudore
 suffunduntur. Ex Judæis autem pene
 innumeri hoc anno Messiam adventu-
 rum sperabant, præallegatis S. Joannis
 Evangelistæ verbis ad firmandum suum
 commentum abutentes. Inde vero sese
 verum Messiam nominandi occasionem,
 hoc anno arripuit quidam Smyrensis
 Judæus, nomine Charam Sevi. Hic
 Hebræo, & Arabico idiomate, nec
 non Philosophia, & Theologia Rabbi-
 nica apprime excultus, sese Judæorum
 Messiam fore venditans, a requie suis
 procuranda se Sabatheium nominavit.
 primo autem Constantinopolin contem-
 dit, inde tamen, eoquod præter Je-
 dæorum morem Dei nomen pronun-
 tiare ausus esset, velut Blasphemus a
 Rabbis expulsus, & ad lapides con-
 demnatus Smyrnam reversus est. Pau-
 lopost Thessalonicam profectus, uxorem
 duxit,

duxit, qua mox repudiata alteram, ac Sæc. XVII.
A.C. 1666.
demum tertiam sibi conjunxit; postea
Moream, indeque Gazam delatus,
arctiorem contraxit amicitiam cum
quodam Judæo, nomine Nathan, qui
in Sabathai Angelum & adhuc aliquid
amplius ex ejus eloquentia admiratus,
illum ubique divinis prope laudibus
ad cælum efferebat; inde Sabathaius
audacior factus, eidem se esse Messiam
Hebræis promissum persuasit, huncque
Virum in suum Eliam ac Præcurso-
rem sibi elegit. Nathan igitur novo hoc
munere egregie functus, anno millesimo
sexcentesimo sexagesimo sexto ve-
rum Messiam esse venturum, per om-
nes Provincias divulgavit, atque Jero-
solymitanis incolis jejunandi consuetu-
dinem interdixit, asserens, adventante
Messia non lugendi, sed lætandi tem-
pus esse: datis etiam ubique literis
suos hortatus est, ut Sabathaium Sevi
non tanquam hominem privatum re-
spicerent, sed pro vero Messia & Rege
haberent, cujus Sanctitatem, ac po-
tentiam luculentis prodigiis testatam
brevis experturi essent. Divulgata novi
hujus Messie fama, Judæi ubique ad
ejus adventum sese parabant, dimissa-
que negotiandi cura, nonnisi de futura
felicitate, qua sub novo Rege potituri
essent, magna prolocuti sunt. Jero-

Sæc. XVII. solimitani etiam missis ad suos literis
A. C. 1666. de exstimmato suo Messia vaticinabantur,
 fore, ut intra spatium unius anni,
 cujus initium sumeretur a die decima
 septima Junii, Messias coram Sultano
 comparfurus, eum diademate & regno
 exutum in triumphum deducturus esset,
 eo autem per novem Menses absente
 Judæis accerrima impenderet vexatio,
 plures Martyrio affiendi, postea vero
 Messias iterum cælesti Leoni insidens,
 ac septem capitum hydram fræni loco
 tenens pro solo totius universi Monarcha
 habendus foret, moxque Templum af-
 fabre ornatum e cælo descensurum, in
 quo Judæi in perpetuum sacrificaturi
 essent. Interim Nathan, ejus Præ-
 cursor Damascum venit, indeque datis
 ad Aleppenses Judæos literis eis nun-
 tiavit, quod is juxta Sabathai manda-
 tum duodecim Israelitas ex qualibet
 tribu selegisset, qui novo Messix ab ob-
 sequio essent, eumque comitarentur.
 Thessalonicenses quoque Judæi de ad-
 ventu Messix haud dubii, nonnisi pœ-
 nitentiæ ac mortificationi, & oratio-
 nibus vacabant, missisque terrenis oc-
 cupationibus, clausisque officinis suis
 corpus suum jejuniis, flagris, ac sever-
 rissimis pœnitentiæ exercitiis afflicta-
 bant. Interim Sabathaius Smyrna re-
 versus, denuo a Rabbinis male habe-
 batur,

batur, populus vero eidem addictissimus illum tanquam missum a Deo venerabatur, plateis, per quas transiturus esset, auleis sternebat, quem tamen honorem Impostor simulata modestia acceptare recusans, datis ad universam Judaicam Nationem literis se unicum ac primogenitum Dei Filium, Messiam, & Salvatorem Israel nominabat, suum adventum, eorumque liberationem denuntians: Tum vero opitulante Dæmonio, plusquam quadringenti Judæi in exstases rapi, convulsionibus torqueri, absona vaticinia evomere, atque ex viscerum fundo loqui, & visiones de Leone Judæ, & Sabbathi triumphis narrare audiebantur. Nec deerant conficta prodigia, nonnullis etiam jurato affirmantibus, se ignitam vidisse columnam, quæ hunc fraudis Architectum comitaretur, ad cujus pedes Judæi omnes suos thesauros certatim deferebant. Hoc demum anno Mense Januario Smyrna Constantinopolin cum exiguo suorum comitatu contendit, solemnem ibidem ingressum celebraturus; cum autem Helesponti fauces prope attingeret, a Turcis captus, vinculisque oneratus, ac rigoso equo impositus Constantinopolin ducebatur: nihilominus Judæi de ejus adventu certiores facti turmatim catennis

Sæc. XVII.
A. C. 1666.

Sæc. XVII. tennis onusto Messiaæ suo obviam effun-
A. C. 1666. debantur: Turcæ autem ex phrene-
 tico hoc concursu tumultum veriti, no-
 vum hunc Messiam in fætidum carce-
 rem conjecerunt, inde vero ad Nato-
 liæ arcem raptatum, denuo in ergastu-
 lum detrudere: tum vero incertum
 erat, an turpior esset Turcarum ava-
 ritia, qua a Judæis pro obtinenda cum
 suo Messia colloquendi facultate aurum
 extorquebant, an infanior Judæorum
 hunc Impostorem in suis vinculis vi-
 sendi aviditas: Hi enim maximo numero
 confluentes ad tantam prolapsi sunt in-
 saniam, ut in Synagogæ parietibus
 duas literas S. S. aureis literis una-
 cum Psalmo 19. *Dominus regnavit &c.*
 pingi curarent, seque suum Messiam
 sæpius pluribus in locis sub varia specie
 vidisse, in vulgus spargerent, cum in-
 terim omnium infelicissimus Sabathaius
 in suo carcere ingemisceret: Hunc in-
 ter alios etiam Nehemias Judæus na-
 tione Polonus accesserat, eidem ex-
 ponens, quod cum ipso Messiaæ digni-
 tatem partiri vellet, eo quod non modo
 Messias ex tribu Juda, sed & alius ex
 tribu Ephraim venturus esset: Accepta
 autem repulsa exacerbatu Nehemias,
 Sabathaium tanquam insignem frau-
 dum Architectum, ac rebellionis in-
 centorem apud Pro-Vezirium accusa-
 bat:

bat: Siftitur ergo miser hic Messias ^{Sæc. XVII.}
ante Turcici Judicis tribunal, ac Ot- ^{A. C. 1666.}
tomani idiomatis ignarus, per Inter-
pretem quemdam Medicum olim secta
Judæum, se a Deo missum jactitat, cum
autem Vezirius ab eo peteret, ut in
vocationis suæ testimonium corpus
suum omnino nudum sagittis petendum
objiceret, Impostor se nonnisi legis
Doctorem esse fatebatur: unde ad evi-
tandam temeritatis suæ pœnam, exuto
Messia, Muselmanum induere coactus
est, Agi Mehmet Effendi nominatus:
Nec tamen abominanda hæc Sabathai
apostasia Judæos a sua vesana creduli-
tate sanare poterat, jactitantes, non-
nisi illius umbram in terris permanisse,
illum vero ad cælos ascendisse, tem-
pore ad vaticinia adimplenda præsti-
tuto reversurum, multa prodigia in
ejus captivitate fuisse patrata, milites
ad unicum oris sui verbum mortuos
ad ejus pedes corruisse, moxque ad vi-
tam ab eo revocatos fuisse, eum ultro car-
cerem subiisse, inde clausis januis exiisse,
ac vinculis ferreis in aurum commutatis
libere in plateis Constantinopoli deam-
bulasse. Ejusmodi commentis aliquam-
diu Judæi seipsos lactarunt, & falsa spe
produxerunt, cum interea mimicus
hic Messias in suo carcere non modo
unacum uxore sua Mahometem palam
profite-